

合肥縣志卷第二

賜進士出身廬州府合肥縣知縣左輔纂修

沿革志

大事記附

合肥縣蓋秦置秦改封建爲郡縣屬九江郡

史記貨殖傳合肥受南北潮縣名始見於此秦以前縣地無考毛詩肥泉傳所出同所歸異曰肥合則其經流雖分枝津仍合也詳山水志九江郡秦始皇二十六年置

漢初屬九江王國後屬淮南國又後屬九江郡隸揚州合肥逶迤成德橐皋皆屬焉

史記黥布傳漢高帝元年項羽立布爲九江王三年布降漢四年立布爲淮南王十一年布誅立皇子長爲淮南王武帝元狩元年國除爲九江郡漢書武帝紀元封五年置十三州部刺史始以郡隸揚州地理志九江郡屬縣有逡遁成德橐皋合肥按逡遁卽今縣之梁鄉橐皋孟康音拓姑有故城今在巢縣西北卽春秋魯哀公十二年會夫差地江南通志成德舊縣在壽州東南卽縣西北界也後漢爲侯國橐皋無

後漢書光武帝紀封功臣堅鐔爲合肥侯郡國志

九江郡屬縣有合肥侯國橐皋無蓋省入逡遁

三國魏侯國廢復爲縣改九江郡爲淮南郡

玉海三國形勢考魏之重鎮在合肥資治通鑑胡三省注魏改九江郡爲淮南郡

晉改逡遁爲逡道合肥成德竝屬淮南郡

宋書州郡志晉武帝太康元年立逡道縣三國時江淮爲戰爭之地其間不居者各數百里逡道諸縣無復民戶吳平各還本故復立焉逡道漢作逡遁

宋爲汝陰令屬南汝陰郡隸南豫州後省又有慎令

成德無

宋書州郡志武帝永初三年分淮東爲南豫州置
南汝陰太守汝陰令又汝陰令所治卽二漢晉合
肥縣後省樂史太平寰宇記慎縣在合肥東北七
十里本漢逡遒縣地晉改置慎縣案宋志于太守
令不言郡縣省文汝陰慎皆僑置成德省蓋入合
肥

南齊郡縣皆仍宋隸豫州

南齊書州郡志齊太祖初南豫州省置豫州南汝
陰屬焉又志於郡下列縣首慎次汝陰蓋郡治移

於慎而汝陰重設也

梁二縣仍南齊尋改合州

梁書武帝紀天監五年豫州刺史韋叡克合肥城
韋叡傳云於是遷豫州治合肥又武帝紀普通七
年克壽陽城以壽陽置豫州合肥改爲南豫州太
清元年入懸瓠城詔以懸瓠爲豫州壽春爲南豫
州改合肥爲合州玉海宋齊梁陳形勢考梁重鎮
合州

北魏汝陰屬汝陰郡慎屬南梁郡

魏書地形志汝陰郡屬縣有汝陰南梁郡屬縣有

慎

東魏慎屬平梁郡

隋書地理志慎縣注東魏置平梁郡陳曰梁郡案
時合州并汝陰郡縣屬梁

北齊分置北陳郡慎無考

隋書地理志合肥縣注後齊分置北

東郡

陳汝陰屬汝陰郡慎屬梁郡

隋北陳郡梁郡俱廢仍爲合肥縣慎縣改合州爲廬
州治合肥又改廬州爲廬江郡

隋書地理志廬江郡注開皇初改爲廬州又志煬

帝嗣位尋卽改州爲郡資治通鑑開皇初以韓擒虎爲廬江總管鎮廬江湖三省注廬江在合肥東五十里旣徙治廬江故以廬名州案後仍治合肥合肥乃爲附郭首邑

唐二縣屬郡仍隋郡改爲廬州隸淮南道

新唐書地理志二縣皆注緊又志唐興高祖改郡爲州元宗天寶元年又改州爲郡肅宗乾元初復爲州

五代周二縣屬州如唐州又置保信軍在合肥

案舊五代史周顯德五年南唐獻廬舒蘄黃四州

改廬州軍額爲保信軍新五代史職方表廬州周
世宗克淮南置保信軍資治通鑑同又資治通鑑
後唐長興二年吳賜德勝節度使張崇爵清河王
三年吳又以徐知誥加領德勝節度使胡三省注
云楊行密起於廬州置德勝軍寰宇記廬州後唐
爲昭順軍節度周顯德五年改爲保信軍 本朝
吳任臣十國春秋藩鎮表云吳以廬州爲昭順軍
節度南唐改昭順爲保信軍又引馬令南唐書云
昇元六年以周鄴爲保信軍節度畱後或云周改
保信軍者非未知孰是今姑從正史又正史皆畧

吳南唐軍不載今竝附見

宋初二縣屬州隸淮南道又改道爲路熙寧五年分淮南爲東西路廬州係信軍節度使領淮南西路合肥爲州治愼後改梁

宋史地理志廬州屬縣有合肥又有梁梁本愼縣紹興三十二年避孝宗諱改今名王存元豐九域志廬州廬江郡係信軍節度使治合肥縣上合肥中愼宋王象之輿地紀勝淮西九郡帥府淮西制置使治合肥又引李大東合肥新志云皇朝分淮南爲東西兩路後并爲一路提舉廬壽蘄光舒濠

無爲兵甲復分淮南爲兩路兼本路兵馬鈐轄中
興以來兼本路安撫改帥府於和州未幾復舊併
淮南一路帥治揚州未幾復分

元初置淮西總管府治尋改爲廬州路隸淮西江北
道肅政廉訪使

二縣上中仍宋

明屬廬州府廢梁縣入合肥初置江淮行省後罷領
于南直隸

本朝顧祖禹方輿紀要圖縣爲衝繁近淳

國朝因之初隸江南布政使司乾隆二十六年分隸

安徽布政使

縣爲衝繁疲難最要

表

時代	統部	專轄	縣
秦		九江郡	縣自史漢以前惟橐皋之地見春秋經傳他無可考今表斷自秦始而猶虛其縣名不敢臆指
前漢	揚州 武帝置	九江郡 本九江王國又改淮南後廢爲郡	合肥縣 浚遒縣 成德縣

見水經

橐泉縣

見春秋左傳杜注

後漢

揚州

獻帝時治合肥

九江郡

合肥侯國

浚遒縣

成德縣

橐泉省入浚遒故杜注左傳云在浚遒東南

三國魏揚州

淮南郡

合肥縣

浚遒縣

晉

揚州

東晉時爲豫州

淮南郡

成德縣

後荒廢

合肥縣

成德縣

浚道縣

重立浚道更名

宋

南豫州

南汝陰郡

汝陰縣

慎縣

時成德荒廢郡縣皆以僑置更名

南齊	梁	北魏	東魏
豫州	合州 初置南豫州治汝陰後移去又置此○以後州郡軍府皆治所領首縣	合州	時合州并汝陰郡縣入梁
南汝陰郡 治慎	汝陰郡	汝陰郡	平梁郡 此郡魏志不載領郡之州無考
慎縣 汝陰縣	汝陰縣 慎縣	汝陰縣 慎縣	慎縣

北齊

合州

汝陰郡

汝陰縣

北陳所屬之縣
與魏異同無考
郡治亦在今合
肥地慎縣有無
亦無考

陳

合州

汝陰郡

汝陰縣

梁郡

慎縣

隋

廬州

治廬江故以廬
名州領縣如郡

合肥縣

慎縣

廬江郡

合肥縣

即廬州改名治
合肥

慎縣

唐

淮南道

廬州

合肥縣

後爲淮南節度

本廬江郡又改名

慎縣

五代周保信軍

廬州

合肥縣

吳南唐軍附見
志 吳南唐同

慎縣

宋

淮南西路

廬州保信軍

合肥縣

初止作淮南路
後分

慎縣

後改爲梁

元

淮西江北道

廬州路

合肥縣

梁縣

明

南京直隸

廬州府

合肥縣

梁縣省入

國朝

江南安徽布政使司

初止作江南布政
後分

廬州府

合肥縣

大事記

漢

順帝建康元年

卽沖帝元年

十二月九江賊黃虎等攻合

肥

獻帝建安五年廬江太守李彬攻殺揚州刺史嚴象
廬江梅乾雷緒陳蘭等各聚眾數萬在江淮間曹操
表沛國劉馥爲揚州刺史時揚州獨有九江馥單馬
造合肥空城建立州治招懷乾緒等皆貢獻相繼數
年恩化大行流民歸者以萬數於是廣屯田興陂塢
官民有畜乃聚諸生立學校又高爲城壘積水石以

修戰守之備

建安十三年孫權自將圍合肥曹操遣張熹救之十四年權聞熹至燒圍走

十四年秋七月曹操引水軍自肥水軍合肥冬還譙十二月曹操遣張遼樂進李典將七千餘人屯合肥

二十年八月孫權率眾十萬圍合肥曹操之征張魯

也是年三月自將征張魯為教與合肥護軍薛悌署函邊曰賊

至乃發及權至發教教曰若孫權至者張李將軍出

戰樂將軍守護軍勿得與戰時張遼李典樂進屯合肥諸將以眾

寡不敵為疑張遼曰公遠征在外比救至彼破我必

矣是以教指及其未合擊之折其盛勢以安眾心然後可守也進等莫對遼怒曰成敗之機在此一戰諸君若疑遼將獨決之李典素與遼不睦慨然曰此國家大事顧君計何如耳吾可以私憾而忘公義乎請從君而出於是遼夜募敢從之士得八百人椎牛犒饗明旦遼披甲持戟先登陷陣殺數十人斬二大將大呼自名衝壘入至權麾下權大驚不知所爲走登高冢以長戟自守遼叱權下戰權不敢動望見遼所將眾少乃聚圍遼數重遼急擊開圍將麾下數十人得出餘眾號呼曰將軍棄我乎遼復前突圍拔出餘

眾權人馬皆披靡無敢當者自旦戰至日中吳人奪氣乃還修守備眾心遂安權守合肥十餘日城不可拔徹軍還兵皆就路權與諸將在逍遙津北張遼覘知之卽將步騎奄至甘寧與呂蒙等力戰扞敵凌統率親近扶權出圍復還與遼戰左右盡死身亦被創度權已免乃還權乘駿馬上津橋橋南已徹丈餘無版親近監谷利在馬後使權持鞶緩控利於後著鞭遂得超度賀齊率三千人在津南迎權權猶是得免

魏

明帝太和二年

吳黃武七年

吳人誘曹休從廬江南入合

肥陸遜與戰於石亭

通鑑註在懷寧桐城二縣之間

休敗走

四年十二月吳主揚聲欲至合肥征東將軍滿寵召
充豫諸軍皆集吳尋退還詔罷其兵寵以為今賊大
舉而還非本意也此必欲偽退以罷吾兵而倒還乘
虛掩不備也表不罷兵後十餘日吳果更到合肥城
不克而還

青龍元年

吳嘉禾二年

魏滿寵作合肥新城

寵疏曰合肥南臨江湖北

遠壽春賊攻圍之得據水為勢官兵救之當先破賊大軍然後圍乃得解賊往甚易而兵往救之甚難宐移城內之兵其西三十里有奇險可依更立新城以固守此為引賊平地而特其歸路於計為便

吳主出兵欲圍之寵遣步騎六千伏肥水隱處

三國志作

肥城吳主果上岸寵伏兵卒起擊之斬首數百或有赴水死者

二年五月吳主入居巢湖口向合肥新城七月帝御龍舟東征滿寵募壯士焚吳攻具射殺吳主弟子泰吳主聞帝將至引還

邵陵厲公嘉平五年五月吳建興二年吳諸葛恪圍新城不克引軍去

高貴鄉公正元二年吳五鳳二年吳孫峻自東興進兵橐

皋文欽父子詣軍降

晉

武帝太始四年孫皓出東關遣丁奉諸葛靚出芍陂
攻合肥安東將軍汝陰王駿拒却之

元帝太興四年以尙書僕射戴淵爲征西將軍都督
司兗豫并雍冀六州諸軍事司州刺史鎮合肥名爲
討胡實備王敦也

永昌元年兗州刺史郗鑒爲後趙所逼自鄒山退屯
合肥

成帝咸和元年後趙石聰寇遼遼蘇峻遣其將韓晃
擊走之

三年毛寶攻祖約軍於東關拔合肥戍

時祖約附
蘇峻反

穆帝永和六年廬江太守袁真攻魏石合肥克之虜

其居民而還

祖約反後合肥淪入石氏

哀帝興寧二年燕將李洪敗晉兵於懸瓠桓溫遣袁
真等禦之溫率舟師屯合肥

宋

孝武帝孝建元年豫州刺史魯爽舉兵反

附義宣上同叛

遣左將軍薛安都龍驤將軍南陽宗越等戍厯陽與

魯爽前鋒楊胡興等戰斬之爽不能進畱軍大峴使

魯瑜屯小峴

通鑑註小峴在合肥之東大峴又在小峴之東上復遣鎮軍將

軍沈慶之濟江督諸將討爽爽食少引兵稍退自畱

斷後慶之使薛安都帥輕騎追之丙戌及爽於小峴
爽將戰飲酒過醉安都望見爽卽躍馬大呼直往刺
之應手而倒左右范雙斬其首爽眾奔散瑜亦爲部
下所殺

明帝太始二年以山陽王休祐爲豫州刺史督輔國

將軍劉劭等討殷珍

本豫州刺史屯壽春時晉安王子勛稱帝於尋陽珍附之劉

劭進軍小峴珍所署南汝陰太守裴季之以合肥降

劉胡

子勛將

遣薛道標襲合肥殺季之及子勛敗劉劭

令馬隊主王廣之攻合肥克之

三年北魏攻汝陰太守張景遠擊破之

二年淮北四州沒於魏此

所攻當爲
南汝陰也

七年妖賊宋逸攻合肥殺汝陰太守王穆之郡縣討
平之

南齊

東昏侯永和二年豫州刺史裴叔業以壽陽降北魏
遣蕭懿將步軍三萬屯小岷李叔獻屯合肥以討之
北魏彭城王勰擊敗齊軍進攻合肥生擒叔獻

梁

武帝天監四年豫州刺史王超宗圍北魏小岷李叔
仁等擊之超宗兵大敗

五年豫州刺史韋叡遣王超宗等攻小峴拔之遂至合肥夜率眾堰肥水以灌合肥堰成水通舟艦繼至魏人奄至堤下兵勢甚盛諸將欲退還巢湖或欲保三义叡怒不許魏人鑿堤叡親與之爭魏兵却叡起鬪艦高與合肥城等四面臨之守將中弩死城潰俘斬萬餘級遂遷豫州治於合肥

普通三年以裴邃爲豫州刺史鎮合肥五年攻魏狄邱甕城黎漿等城皆拔之

六年密詔夏侯肅休兵合肥候淮堰成更進

七年北魏李憲以壽陽降復爲豫州治改合肥爲南

豫州

太清元年羊鴉仁

時爲司州刺史

入懸瓠城詔以懸瓠爲豫

州壽春爲南豫州改合肥爲合州

二年以侯景爲南豫州牧以鄱陽王範爲合州刺史
鎮合肥

三年東魏遣李伯穆逼合肥鄱陽王範方謀討侯景
藉東魏爲援乃率戰士出屯東關以合州輸伯穆

元帝承聖元年侯景遣郭元建率步軍趨小峴侯子
鑒率舟師向濡須耀兵合肥以示威武子鑒攻合肥
羅城克之俄聞王師旣近燒合肥百姓邑居引軍退

二年北齊使郭元建

侯景將景敗降齊

治水軍二萬餘人於

合肥將襲建康王僧辨遣侯瑱築壘東關以待之閏月與郭元建戰於東關齊師大敗

陳

高祖永定元年二月領軍徐度入東關至合肥燒北齊船三千艘

二年侯瑱

時爲司空

引兵焚齊舟艦於合肥

文帝天嘉元年梁相

梁王蕭莊相

王琳至柵口適東關水

長引合肥巢湖之眾相次而下侯瑱敗之於江中琳單舸走

二年北齊主使王琳出合肥召募僉楚更圖進取合

州刺史裴景徽請以私屬爲鄉導琳沈吟不決景徽

恐奔齊

通鑑註梁置合州於合肥侯景之亂已沒於齊陳蓋僑置合州於江濱

黃法𪔐

時爲南豫州刺史

急攻厯陽克之進攻合肥合肥望

旗請降

六月乙巳任忠克合州外城癸亥黃法𪔐克合州

通鑑

註合肥治合州合肥前已請降今又克外城則前請降者合肥戍卒也

尋以法𪔐爲合

州刺史

隋

文帝開皇元年以和州刺史河南韓擒虎爲廬江總

管鎮廬江

通鑑註廬江在合肥東五十里既治廬江故以廬名州

八年隋師伐陳廬江總管韓擒虎出廬江

恭帝義定元年賊率張善安陷廬江郡

唐

肅宗上元元年劉展

本同州刺史領淮南節度副使時反

將王暉陷舒

廬等州壽州刺史崔招拒之不得西止屯廬州

二年楊惠元等擊破暉於淮南暉東走至常熟乃降

懿宗咸通九年叛將龐勛遣其將丁從實等寇舒廬

僖宗乾符三年十二月長垣賊王仙芝攻舒廬等州

中和三年以淮南押牙楊行愍

後改名行密

爲廬州刺史

蔡州節度使秦宗權

時宗權臣於黃巢

遣其弟將兵寇廬州

行愍遣其將合肥田頔擊走之

光啟二年壽州刺史張勣

朱全忠將唐書作敖

遣其將魏虔寇

廬州廬州刺史楊行密遣田頔李神福等拒之敗虔

於褚城

三年楊行密命指揮使蔡儔將兵千人輜重數千西

歸於廬州

時行密駐廣陵

昭宗龍紀元年孫孺

秦宗權舊將

遣兵攻廬州蔡儔以州

降之

景福元年廬州刺史蔡儔發楊行密祖父墓行密遣

行營都指揮使李神福討之二年行密自將詣廬州
丁亥克之斬蔡儔

後梁

太祖開平二年使亳州團練使寇彥卿攻廬壽二州
皆不勝

均王乾化三年定國節度使王景仁本楊吳將降梁將兵侵
廬壽徐溫等與戰於霍邱景仁敗還

後周

世宗顯德五年遣李重進將兵趣廬州南唐主遣陳
覺奉表聽命世宗與唐主書諭以攻廬斬黃三道軍

斂兵近外

以唐既聽命故斂兵近外近郊之外

置保信軍於廬州

以上

摘錄資治通鑑

宋

高宗建炎三年十一月乙巳朔金人犯廬州守臣李

會以城降

宋元紀事本末

四年淮西敗將崔增陷焦湖水砦

宋史

廬州叛阿里布

時以雷和州總督江淮戍將

以偏師討之敗其騎

六千擒三校明日復破敵二萬於慎縣斬首五百張

永合步騎數萬來戰阿里布兵止二千敵圍之阿里

布潰圍力戰竟敗之追殺四十里獲馬三百而還再

攻廬州與達呼布敗敵萬眾於拓皋至廬州騎兵五百出戰敗之斬其二校

金史

紹興元年劉豫遣將王世沖寇廬州守臣王亨大破之斬世沖

宋史

三年二月王全犯廬州三月命統制巨師古部兵萬人屯揚州胡舜陟至廬州王全降

宋史

胡舜陟知廬州時淮西盜賊充斥廬人震恐日具舟楫爲南渡計舜陟至修城治戰具人心始安冀州雲騎卒孫琪聚兵爲盜號一海蝦至廬舜陟乘城拒守琪邀資糧舜陟不與乃時出兵擊其抄掠者琪宵遁

舜陟伏兵邀擊得其輜重而歸

宋史

四年十二月金齊

劉豫

圍廬州守臣仇愈嬰城固守求

援於岳飛

時飛爲荊南制置使屯襄陽

飛遣牛皋徐慶援之皋至

遙語金將曰牛皋在此汝等胡爲見犯眾愕然不戰

而潰飛謂皋曰必追之去而復來無益也乃追擊三

十餘里金人相踐及殺死者不可勝計

續通鑑綱目

六年六月張浚撫師淮上命劉光世屯合肥以招北

軍

續通鑑綱目

冬十月劉豫分兵入寇遣其子麟率中路兵由壽春犯合肥猊率東路兵由紫荆山犯定遠孔彥舟率西

路兵由光州犯六安趙鼎移書張浚欲令張俊

時俊屯盱

昭楊沂中

卽存中時屯泗州

同保合肥浚以爲然乃遣沂中

張宗顏等分道禦之及劉麟逼合肥帝欲令張俊劉光世等還保江浚切諫乃止沂中兵至濠光世已舍廬州將趣采石淮西大震浚令呂祉馳諭光世軍曰有一人渡江卽斬以殉光世不得已復還廬州與沂中俊等相應劉麟渡淮次於濠壽之間張俊以兵拒之猊率眾犯定遠欲寇建康楊沂中禦之敗其前鋒於越家坊猊恐深入爲王師所襲乃欲趨合肥與麟合而後進至藕塘與沂中遇沂中急擊之張宗顏亦

至乘其背猊大敗與數騎遁去劉麟孔彥舟聞之亦走

續通鑑綱目

七年八月乙未以楊沂中爲淮西制置使主管侍衛

馬軍司劉錡副之竝駐廬州

宋史

九月丁卯令張俊自盱眙移屯廬州

宋史

八年五月己酉王庶至淮南檄張宗顏將兵七千屯

廬州

宋史

十年金天眷三年宗弼還軍進伐淮南克廬州

金史

十一年兀朮陷廬州命楊沂中引兵赴淮西與劉錡大敗兀朮於柘皋己丑兀朮親率兵逆戰於店步沂

中等又敗之乘勝逐北遂復廬州

宋史

三十一年冬金主亮南侵都統王權

劉錡將

聞金兵大

至自廬州引兵遁知廬州龔濤棄城走金人圍廬州
都監權州事楊椿率兵突陣出守水砦金主亮以大
軍至廬州城北之五里築土城以居丙辰亮入廬州
尋於揚州被弒十二月楊椿攻金人殺其帥高定山
復廬州

宋史

孝宗乾道三年詔修廬和二州城

四年以奉國軍承宣使知廬州郭振爲武泰軍節度

使

宋史

七年正月修廬州城 宋史

寧宗慶元元年金明昌六年十一月僕散揆總大軍

南伐進奪潁口下安豐軍遂攻合肥 金史

開禧二年十一月戊子金人犯廬州田琳退之丙申

金人去廬州 宋史

理宗端平三年十一月蒙古口溫不花入淮西遊騎

自信陽趨合肥詔淮東制置使趙葵以兵援之 宋元

紀事本末

嘉熙二年九月蒙古察罕帥兵號八十萬圍廬州期
破廬後造舟巢湖以窺江左於濠外築土城六十里

穿兩濠攻具皆數倍於攻安豐時杜杲極力守禦蒙古築壩高於城樓杲以油灌草卽壩下焚之皆爲煨燼又於申樓內立雁翅七層俄炮中壩上眾驚杲乘勝出戰蒙古敗走杲追躡數十里又練舟師扼淮河遣其子庶監呂文德聶斌伏精銳於要害蒙古不能進引而北歸

宋元紀事本末

元

世祖至元八年

宋度宗咸淳八年

敕淮西廬州置總管萬戶

府

元史

順帝至正十五年妖黨左君弼據廬州

宋元紀事本

末

二十三年明太祖遣徐達常遇春圍廬州三月不下
會陳友諒攻南昌急遣使命解圍達等自廬州還
宋元紀事本末

二十四年復遣徐達攻廬州左君弼走安豐秋七月

達克廬州

明史稿

明

崇禎八年正月二十一日張獻忠自鳳陽之合肥燒
店埠鎮二十二日薄州城急攻之知府吳大朴守備
甚設不克二十八日解圍去
野史

十二月十七日張獻忠自舒城由小蜀山夜襲廬州
克之督學徐之垣知府鄭履祥知縣潘登桂逃去巡
道蔡如蘅字香君四川人先走被獲與經歷鄭元壽指揮同
知趙之璞皆遇害如蘅妾王月牽蘅衣罵賊賊刺殺
之屍直立移時始仆通判趙興基邑紳參議程楷皆
罵賊死野史

按明史記事本末徐之垣蔡如蘅俱走鄭履祥死
之與野史異但野史本余瑞紫明末合肥諸生流賊陷廬
州記事所目擊爲可據也

合胞縣志卷第二